

लहना

व्यवसायिक पत्रकारिता, थौया आवश्यकता

LAHANA WEEKLY

वा:पौ

सा:गु भिंगु मरिचरिया निति
लुमंका दिसँ ।




लक्ष्मण जमाल 'चिलिंमि'
प्रोप्राइटर
लाखा छँ
LAKHA CHHEN

सोदरखुटे, वडा नं. १६, येँ, फोन नं.: ८३६०७५८

थुकि दुने



सक्षम विवेकी नेता विदेशी भक्त जुझमुख डी.आर. खड्गी - २



या:चिकु जा:गु लकस बाबुराम महर्जन - ३

अन्तर्राष्ट्रिय मातृभाषा दिवसया लसताय थौया नेपालभाषा पत्रकारिता विषयस अन्तरक्रिया ज्याइव: ४-५

नेवा:स्टारतय ट्याटु विजयरत्न असंबरे - ६



नेपालभाषा ब्वंकेत खुस: स्वयां आपा:सिया आवेदन

उत्साहजनक सहभागिता खनेदुगु सरोकारवालातय धापू

लहना संवाददाता

येँ महानगरपालिका मातहतया स्कूलय स्थानीय पाठ्यक्रम अन्तर्गत नेपालभाषा ब्वंकीपिं १७२ शिक्षकया माग जुया: आ: प्रशिक्षक प्रशिक्षण न्ह्या:गु अवस्थातक थ्यन । थुकिं येँ महानगरपालिका दुने नेपालभाषा विषयया पठनपाठनया सुनिश्चितता क्यंगु दु । नेपालभाषा विषय ब्वंकेगु नितिं आ:तक ६ स: स्वयां आपा:सिनं निवेदन दर्ता याय्थुंका दु । सुरुवाती इलय आवेदकपनिगु थुगु ल्या: उत्साहजनक कथं काय्मा: ।

नेपालभाषा शिक्षकया नितिं आवेदन बीत सम्बन्धित संस्थाया सिफारीस मा:गु धयात:गु ख: । उगु सिफारीस नेवा: स्यनामि दबू नेपालमण्डलपाखे बियाव:गु दु । प्रधानाध्यापक जुया: रिटायर्ड जुइथुंकापिं स्यनामि अथवा शिक्षकपनिगु संस्था ख: नेवा: स्यनामि दबू । थ्वयां न्ह्य: स्कूल स्कूलय नेपालभाषा शिक्षा बीकेगु नितिं व नेपालभाषा शिक्षक उत्पादन याय्गु नितिं थुगु संस्थां ज्या यानाव:गु दु । थुगु हे दबूपाखे येँ महानगरपालिकाय नेपालभाषा शिक्षकया नितिं आवेदन बीत मा:गु सिफारीस बियाव:गु दु । दबूया मू छ्यान्जे वरण वैद्यया कथं नेपालभाषा ब्वने थाकु, ब्वंके थाकु जक ताय्दयाच्चनीगुलिं आवेदक हे वइला मवइला तक्कया म्या:चिकु दयाच्चंगु अवस्थाय



थौं स्वयां भिनिदं न्ह्य: नीस्वंगु दबूपाखे आ: १४ शिक्षकं २६ स्कूलय नेपालभाषा ब्वंकाच्चंगु दु । दबूयाके दुगु तथ्याङ्क कथं थौया दिनय नेपालभाषा ब्वनाच्चं पिं विद्यार्थीपिनि ल्या: ३२ स:मह दु । नेवा: बस्ती नेवा: स्कूल अभियान अन्तर्गत सच्चिं मयाक स्कूलय नेपालभाषा विषय तय्केत ता:लाय्थुंकेल ।

शुरुइ हे ६ सय नं मयाक आवेदक व:गुयात सकारात्मक रुप काय्मा: । 'अभ थ्व सिबे अष्व: व:सा ज्यूगु ख: धइथे न्ह्यामहेसित जुइ, थुलि जक ला धका: आसाकुति मिखां स्वयगुयात नं सकारात्मक हे धाय्फइ । तर आ: शुरुया अवस्थाय थुलि आवेदक व:गु धइगु लिपा ब्वनीपिं अष्वयावीलसे ब्वंकीपिं

नं भन अष्वयावनीगु निश्चित दु' मू छ्यान्जे श्रेष्ठ धयादिल । नेपालभाषा शिक्षकया नितिं युवा पुस्ताया उत्साह व सहभागीता खनेदय्मा:गु खँय वैद्यं व: बियादिल । लिपा नेपालभाषा म्वाकातइपिं धइपिं हे युवा पुस्ता जूगुलिं आवेदकय युवातय सहभागीता नं बालाक खनेदत धा:सा व

मातृभाषा शिक्षाया क्षेत्रय तसकं हे बाला:गु खँ जुइगु श्रेष्ठया धापू ख: । आ:या अवस्थाय युवातय ल्या: म्हव: जूसां मुक्कं संब्धयात स्वयबलय भीसं सन्तोष याय् थाय् दुगु व लिपा वना: नेपालभाषा शिक्षकय युवातय सहभागीता व सक्रियता दइगु निश्चित खनेदु । येँ महानगरपालिका अन्तर्गतया दकवं स्कूलय नेपालभाषा ब्वनीपिं दइबलय लिपा उपिं विद्यार्थी हे नेपालभाषा शिक्षक कथं उत्पादन जुइगु जूगुलिं लिपा वना: शिक्षकया अभाव जुइ धका: शंका याय्मा:गु थाय् हे मडु ।

थौं स्वयां भिनिदं न्ह्य: नीस्वंगु दबूपाखे आ: १४ शिक्षकं २६ स्कूलय नेपालभाषा ब्वंकाच्चंगु दु । दबूयाके दुगु तथ्याङ्क कथं थौया दिनय नेपालभाषा ब्वनाच्चं पिं विद्यार्थीपिनि ल्या: ३२ स:मह दु । नेवा: बस्ती नेवा: स्कूल अभियान अन्तर्गत सच्चिं मयाक स्कूलय नेपालभाषा विषय तय्केत ता:लाय्थुंकेल । नेवा: स्यनामि दबू व नेवा: बस्ती नेवा: स्कूल अभियानया ल्या:चा: छथाय मुंकेहय्बलय च्वय न्ह्यथनागु ल्या: अभ अष्व: हे जुइगु निश्चित जुल । नेपालभाषा ब्वनीपिं हे मडु अथवा ब्वंकीपिं हे मडु धका: समाजय गुगु खँ वयाच्चनी व भ्रम ख:, नेपालभाषा ब्वनीपिं वा ब्वंकीपिनिगु ल्या: बाला: धइगु यथार्थ थनं सीदत ।

त्यं ७ पेजय

नेवा: भाय् ल्हात धका: ज्वना: कुनाबिल बालाजुइ !



सडक विस्तार, फास्ट ट्राय्क आदिया नामं थन नेवा:त विस्थापित याय्थुंका खँ दनाच्चंगु ता: ई बीधुंकेल । थ्व हे इवलय बालाजु बाइपास सडक विस्तारया मुद्दा नं ता: इलनिसें हे विवादित जुयाच्चंगु दु । थन सडक विस्तारय थ:गु छँ ला:पिं स्थानीय जनतां वर्तमान शहरी विकास राज्यमन्त्री तत्कालीन वडाध्यक्ष रामवीर मानन्धर हे थ:पिन्त

स्वबासीया भ्वं ब्यूगु दाबी यानाच्चंगु दुसा राज्यमन्त्री मानन्धर धा:सा प्रमाण ज्वनाव:सा थ:गु हे जग्गा क्षतिपुर्ति बीमा:सां बीगु धयाव:गु दु । थ्व दकवं खँया दथुइ थुगु आन्दोलनय आ: न्हूगु मोड खनेदत । सडक विस्तारविरुद्धया आन्दोलनया इवलय ज्वनायंकूपिं मनुतय् नेवा: भासं खँ ल्हात धका: प्रहरी नेवा: भाय्

त्यं ७ पेजय

Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur
☎ 4335491, ✉ b.arts4335491@hotmail.com

- ★ Banner, Flex Board
- ★ Glow Sign Board
- ★ Sticker Cutting / Printing
- ★ Screen/ Rubber Print
- ★ Self-ink/ Rubber Stamp
- ★ PVC(ID)/ Visiting Card
- & all kinds of press works

भर्ना खुल्यो

Child Care PlayGroup

New Zenith English Model School (नर्सरी देखि +२ सम्म पढाई हुने)

Bhurongkhal-18, Tamisipakha, Ph.: +977 1 4249164, 4215428, E-mail: NewZenithSchool@gmail.com, Web: newzenith.edu.np

सम्पादकीय



नेकपा महात्म्य क्वचाल ला ?

वंगु पुन्हिया दिनय स्वस्थानी धलंया बाखं क्वचाल । इति श्री स्कन्दपुराणे केदारखण्डे माघ महात्मे, कुमारगण्डसंवादे, श्री स्वस्थानी परमेश्वरी व्रत कथायां । थ्व खँ ला जुल माघमाहात्म्यया । शुक्रिया नापं सर्वोच्च अदालतय करीब निलात्या न्हयःनिसें न्ह्यानाचवंगु संसद विघटन सम्बन्धी मुद्दाया नं फैसला वल । वहस न्ह्याःगु इलय प्रधानन्यायाधिश चोलेन्द्र शमसेर जबरान प्रधानमन्त्रीयात ज्या याकेमबिल धाःसा प्रधानमन्त्री संसद विघटन छाया याय दइमखु धकाः वात्तुवां न्हयसः न्यबलय आः सर्वोच्चया फैसला ओलीया पक्षय वइगु जुल धकाः अइकलबाजी शुरु जूगु खः । तर फैसला वःबलय उक्रिया अःखः वल । फैसला ओलीया विपक्षय वल । संसद पुनर्स्थापना याः धकाः जक मखु, सर्वोच्च ला १३ न्ह्या दुने संसद वैठक सःतेत प्रधानमन्त्री व राष्ट्रपतियात निर्देशन हे बियाः फैसला बिल । खँ संसद पुनर्स्थापना व विघटनया जक नं मखुत । संसद विघटन छाया जुल धइगु खँ मुख्य विषय खः । न्ह्याम्हेसिनं न्ह्यागु कारण क्यनेमाः, संसद विघटन जूगु धयागु निम्ह, स्वम्ह नेतातय इगोया कारण जक खः । आः सर्वोच्चया फैसला धुंकाः नेकपा महात्म्य क्वचाःगु खत ला ले ? आःया परिस्थिती स्वयंबलय क्वचाःगु ला खनेमदु । प्रचण्ड नेपाल पक्ष प्रधानमन्त्री ओलीविरुद्ध अविश्वासया प्रस्ताव यंकेगु तयारी यानाचवंगु दुसा ओली पक्ष राजीनामा बीमखूगु बरु संसदय छु जुइ उक्रिया सामना याय धकाः मेगु पक्षयात हाथ्या बियाः दम्भ ब्ययाचवंगु दु । अवस्था स्वयंबलय अनौपचारिक रुपं निकू टुक्रा जुइधुंकेगु नेकपा आः छधी जुइगु छाँटकाँट ला द हे मदु । तर निगुलिं पुचःयाके छधी जुइगु बाहेक कि त औपचारिक रुपं टुक्रा जुइगु बाहेक मेगु विकल्प खनेमदु । कि मखुसा छगु पुचः नेकपा त्वःताः हे वनेमाल, कि छधी जुइमाल । छधी नं मजुसे ल्वानाचनेगु अले कुचा नं मजुसें निगुलिं पुचलं थःत आधिकारिक नेकपा दावी यानाचनेगु । थुगु प्रवृत्तीं निगु पुचःया ला थःगु रणनीति बल्लाकेगुलिइ न्हयइपुया च्वन खइ । तर निगु पुचःया ल्वापुइ जनता धाःसा बामय काःगु दु । किसि ल्वानाः घाँय चुं दं धाःगु धापुतिइ स्वयंगु खःसा जनता घाँय जूगु दु । थुगु पक्षय निगुलिं पुचःया नेतातयत च्यूताः हे वंगु मदु । उमि थःथःगु हे दम्भय लिमलानाचवंगु दु । जनता बेसाःभाः थहांवन, चिकंया भाः थहांवन धकाः हालाचवंगु दु, लकडाउनं आर्थिक स्थिती स्यंकल, सरकार आर्थिक राहतया प्याकेज हयूमाल हालाचवंगु दु । सत्ताधारी दलया नेतातय थःथःगु पक्षय सांसदया ल्याः थकायत पसः चायकाचवंगु दु । थ्व गुलित बांलाःगु परिस्थिती खः धकाः वयकः नेतातयसं हे लिसः बियाब्यूसा बांलाइगु खः ।

सक्षम विवेकी नेता विदेशी भक्त जुइमखु

अफगानया राजनीति अस्थिर जुयाचवंगुलिं यानाः अमेरिकाया सेना अफगानय परेड म्हिता च्वनेफत । यदि नेपाःया राजनीति नं अप्वः अस्थिर जुयाच्वन धाःसा भारत व अमेरिकाया सेना मवइ धकाः धाय फइमखु ।



डी.आर. रसइगी

निकवःगु विश्वयुद्ध लिपा विश्वया राजनीति खेमा नं परिवर्तन जुल । अथे धयागु शक्तिशाली राष्ट्रतयसं कमजोर राष्ट्रतयत औपनिवेशिक शासन चल्य यायगु प्रथा ध्वस्त जुल । तर हाकनं शक्तिशाली राष्ट्रतयसं कमजोर राष्ट्रतयत अर्ध औपनिवेशिक शासन यायगु शुरु जुल । औपनिवेशिक शासन धायबलय कमजोर राष्ट्रायत शक्तिशाली राष्ट्रतयसं प्रत्यक्ष रुपं थःगु देय्या सेना छ्वयाः उगु राष्ट्राय प्राकृतिक श्रोतया सम्पत्ति लुटेय यानाचवनी । अर्ध औपनिवेशिकया अर्थ खः, शक्तिशाली देश थःगु सेना कमजोर राष्ट्रायत छ्वयगु त्वःताः उगु राष्ट्राय नेता व नोकरशाहतयत लहातय कयाः थःगु राष्ट्राय स्वार्थ पूरा यानाचवनी । जब तक छुं नं कमजोर राष्ट्र अर्ध औपनिवेशिकया अवस्थाया लानाचवनी, व देय्या अवस्था भनभन कजमेर जुजु वनातुं च्वनी । अर्ध औपनिवेशिकय लानाचवनी नं देय व जनतायात कमजोर यायगु खेलय जक लगय जुयाचवनी । जब देय्या नेता विदेशीया दलालीइ जुयाचवनी, व नेतातयगु चरीत्र निस्थाहीन, मूल्यहीन, भ्रष्ट जुयाचवनी । वास्तवय प्रजातन्त्रया शासनपाखें जातीयता व साम्प्रदायिकया राजनीतियात अन्त याय माःगु खः । जब जातीयता व साम्प्रदायिकया राजनीति अन्त जुइ, व देशय राष्ट्रिय पहिचान व विकासया राजनीति शुरु यानाः जनतायात सुख शान्ति बीगु ज्या यानाचवनी । तर अःखः दलाल नेतातयसं प्रजातन्त्रया नामं जातीय भावनायात बढय यानाः समाजय फुट हयगु राजनीतिया खेलय नेतात लगय जुयां तुं च्वनी । अफ ला जातीयता जक मखु, क्षेत्रीय व धर्मिया नामं नं दलाल नेतातयसं जनतायात भडके यानाः प्रजातन्त्र, विकास, समृद्धियात धरापय तयाः देशया सम्पत्तिइ मोजमस्ती यानाचवनी ।

थ्व नं ध्रुव सत्य खः, सुं नं मानव स्वतन्त्र जुइगु वयागु नैसर्गिक अधिकार खः । अफ देय्या सवालय नं पूर्ण स्वतन्त्र जुइगु नं देय या हक व अधिकार खः । थ्व हे कारणं यानाः देय व जनताया स्वतन्त्रता, राष्ट्रिय अखण्डता बचय यायगु लागिं जनतां आन्दोलन यानाचवनीगु खः । भूगु देशय नं २००७ सालपाखे जनतां अत्याचारी राणाशासनया विरोधय आन्दोलन तच्चयकाः प्रजातन्त्र हयत सफल जुल । तर हानं अप्रत्यक्ष रुपं भारतया अर्ध औपनिवेशिया षडयन्त्रय नेपाल फसय जुल । भारतं नेपालय छगु पार्टीयात मेगु पार्टीया विरोधय ल्वाकेगु ज्या यानाः देशय अस्थिरता हयगु ज्याया नापनाप विकासया ज्याय नं अवरोध यायगु ज्या यानाचवनी । थ्व हे कारणं यानाः राजनीतिक विज्ञ, विश्लेषकतयसं औपनिवेशिक स्वयां नं अर्ध औपनिवेश खतरनाक धयाचवनी ।

छाय्धाःसा औपनिवेशिक शासन यानाचवंगु शक्तिशाली देय्या विरोधय प्रत्यक्ष रुपं जनतां चर्को आन्दोलन यानाः औपनिवेशिक शासनयात अन्त्य यायत थाकु मजू । तर अर्ध औपनिवेशिकया अवस्थाया लानाचवंगु देय या जनतां उक्रिया विरुद्ध आन्दोलन यायत नं मछिनाचवनी । दसुया लागिं भूगु देय या जनतां मस्युगु मखु, भारतं भूगु देशय अप्रत्यक्ष रुपं थःगु नीति, कार्यक्रम लागू यानाः शासन यानाचवंगु दु । तर जनता निरिह जुयाः भारतया हरकत स्वयत वाध्य जुयाचवंगु दु । थ्व हे कारणं यानाः बहुदलीय व्यवस्था, प्रजातन्त्र खनां जनता धाःसा वाक्कदिक्क जुयाः च्वनेत नं वाध्य दु ।

भूगु देशय नं गुबले प्रजातन्त्रया नामं पार्टीया नेतातयसं शासन यानाचवनी, गबले हाकनं जुजु न्हयःने वयाः थःगु लहातय सत्ता कायगु ज्या यानाचवनी । तर पार्टीया नेतातयसं शासन यानाचवनीगु इलय अप्वः हे भारत भक्ति क्यनेगु ज्या यानाचवनी । जुजुया

मानसिकतां ग्रष्ट जुयाः राजनीति शुरु जुइ, तब नेतातयगु सोच हे च्यः मानसिकताया नापनाप क्षमताहीन, विवेकहीन, नैतिकताहीन जुयावइ । अविवेकी, नैतिकताहीन जुलाकि नेतात अत्यन्त स्वार्थी व लालची जुइगु स्वाभाविक खः । विदेशी दलाल नेतातयगु ज्या जनतायात कष्ट बीगु, भंगः ल्हायगु जक जुइ । अफ जनतायागु ध्यान राजनीतिपाखे वंके मब्यूसे मेखे मोडय यायगु लागिं अनेक किसिमया खेल म्हिताचवनी । अज्याःगु अवस्थाया नेतातयसं देशय बजाः भाः थकायगु, जनताया रोजगारी कम यानावनेगु, उद्योग व्यवसाय ध्वस्त यायगु आदि कथंया खेल विदेशी दलाल नेतातयसं म्हिताचवनी । थज्याःगु ज्यां नेपाःया फुक्क धयाथे कर्मचारीत भ्रष्ट जुयाचवंगु खः । नेतातयसं थःगु असफल राजनीति त्वपुइगु लागिं गबले धार्मिक व सांस्कृतिक ज्याइवः नं अप्वः याकाचवनी । गबले मेला, उत्सव यानाः सुन्दरी प्रतियोगिता नं यानाचवनी ।



नेपाःया राजनीतिया कारणं थन विदेशी शक्तिं गिद्धे मिखा तयाचवंगु खः । चीनया प्रभाव दक्षिण एशियाय थप मलायमा धकाः थन स्वयाचवंगु दु । अमेरिका, यूरोप व भारतं नेपाःया राजनीतिइ च्यूता तयाचवंगु धइगु नेपालय नं चीनया प्रभाव कम यायगु लागिं खः ।

शासनया इलय धाःसा भारत व चीन निगु राष्ट्रायत सन्तुलित यायगु रणनीतिया खेलय जुजु लगय जुयाचवनी ।

जुजु ज्ञानेन्द्रप्रत्यक्ष शासन यानाचवंगु बलय भारतय सार्क सम्मेलन जूगु इलय जुजु ज्ञानेन्द्रयात भारतनाप सल्लाह हे मयाःसे चीनयात नं सार्क सदस्य जुइत अनुरोध यात । थ्व हे कारणं यानाः भारत ज्ञानेन्द्र खनाः तम्बल । भारत ज्ञानेन्द्रया सत्ता हटय यायगु लागिं नेपाःया काँग्रेसी पार्टी, एमाले व माओवादी पार्टीयात प्रयोग यायगु ज्या यात । अथे धयागु दिल्लीइ १२ बुँदे समझौता याकाः जुजुया विरुद्ध चर्को आन्दोलन याकाः जुजुया शक्तियात माइनस यायत सफल जुल ।

राजतन्त्रया शक्ति माइनस यायधुंकाः स्पष्ट रुपं खनेदयाचवंगु दु, विदेशी भक्त मजुइकं नेतात सत्ताय वनेगु अवसर म्ह्वः जक दइ । विकसित देय व अविकसित देय्या फरक राजनीति थथे खः । विकसित देय्या नेतातयसं जनताया शक्तिया भरय राजनीति यानाः बिकास यायां वनाचवनी सा अविकसित देशय धाःसा विदेशी शक्तिया आशिर्वाद कयाः सत्ताय वनेगु स्वयाचवनी । जब विदेशी शक्तिया चाकरी यायगु सोच व

थ्व वर्षय कोरोना महामारी ला नेतातयगु लागिं स्वार्थीय युग थें जुयाचवंगु दु । छाय् धाःसा नेतातयगु कुशासनपाखे जनतां छुं हदतक वास्ता यायगु त्वःतल सा मेखे कोरोनाया नामं अरबौं भ्रष्टाचार यायगु मौका नं वल ।

नेपाःया राजनीतिया कारणं थन विदेशी शक्तिं गिद्धे मिखा तयाचवंगु खः । चीनया प्रभाव दक्षिण एशियाय थप मलायमा धकाः थन स्वयाचवंगु दु । अमेरिका, यूरोप व भारतं नेपाःया राजनीतिइ च्यूता तयाचवंगु धइगु नेपालय नं चीनया प्रभाव कम यायगु लागिं खः । भारत व अमेरिकां नेपाःया नेतातयत लहातय कयाः थःगु ईशाराय प्याखं हुइकाः थःगु राजनीतिक स्वार्थ पूरा यायगु लागिं नेपालय माकव धेबा खर्च यानाचवंगु दु । नेपाःया राजनीति गुलि अस्थिर यानाचवनेफत उलि हे अमेरिका वभारतया लागिं पायुछि अवसर खः । भूसिं खनाचवना, अफगानया राजनीति अस्थिर जुयाचवंगुलिं यानाः अमेरिकाया सेना अफगानय परेड म्हिता च्वनेफत । यदि नेपाःया राजनीति नं अप्वः अस्थिर जुयाचवन धाःसा भारत व अमेरिकाया सेना मवइ धकाः धाय फइमखु ।

त्वमिपिठत इनाप

लहना वाःपतिइ लेख, रचना, रिपोर्ट व समाचार छ्वयादीफइ । छिकपिसं छ्वयादीगुयात थुगु वाःपतिइ थाय बियाचवना । पिदंगु च्वसुयात उचित पारिश्रमिक बीगु नं सुचं बियाचवना ।

लहना वाःपौ
भोछें, यें

lahana.news@gmail.com



सुरेश किरण मानन्धर

वरिष्ठ पत्रकार लिसें साहित्यकार

‘नेपालभाषा साहित्य ख्यलं नेवा: आन्दोलनयात, नेपालभाषा ख्य:यात जक योगदान ब्यूगु मडुकि, देशया तत:धंगु आन्दोलन व ह्यूपालय् तर्क योगदान ब्यूगु दु। त्वा:देवाय् मत च्याका: ज्याइव:या उलेज्या याय्गु चलन नेपालभाषा साहित्य ख्यलं ब्यूगु ख:। च्वसापासाया लोगो हे त्वा:देवा जूगुलिं प्रेमबहादुर कसा:जुं च्वसापासाया ज्याइव:या उलेज्या थ:गु लोगो त्वा:देवाय् मत च्याका: याय्गु यात। थौं व चलन राष्ट्रव्यापी रुपं स्वीकार जुइधुकल।’



नूपेन्द्रलाल श्रेष्ठ

नाय: लहना मिडिया

‘नेपालभाषा साहित्यया ईतिहास थौंया मखु, मल्लकालय् जुजुपिन्सं तर्क नेपालभाषा साहित्यय् योगदान बियावंगु दु। प्रताप मल्लयात आ:तर्क नं कविन्द्र महाराज धका: म्हस्युनि। वर्तमान समयया खँ ल्हाय्वलय् साहित्यया माध्यमं नेपालभाषाया आन्दोलन तर्क नं जुयावन। २२ सालय् रेडियो नेपालय् नेवा: बुखँ लिका:बलय् नेवा:तय्सं साहित्यया माध्यमं आन्दोलन न्ह्याकूगु ख:। नेपालभाषा ख्यलय् साहित्यया भूमिका त:धं।’



सुरेन्द्रभक्त श्रेष्ठ

व्यवस्थापन लहना मिडिया

‘न्हापा लहना वा:पौ न्ह्या:गु इलय् थिकेगु भवतय् कलर पत्रिका वा:पतिकं निरन्तर पिहावङ्गु खँय् आपा:सिनं शंका क्यंगु ख:। अथे हे, लहनान्यूज डट कम ह्याकाबलय् अज्या:गु खँ मन्यनागु मखु। तर नेवा: संचार ख्यलय् विश्वभूमिनिसें मुकागु स्वंगू दशक स्वयां अप्व: पुलांगु अनुभवयात जिं थ्व ख्यलय् छ्यला। व्यवस्थापकिय पक्षय् याय्फु धका: क्यनेत सफल जुल। आ: व हे अनुभव, व हे आत्मविश्वासयात टेलिभिजन संचार ख्यलय् नं स्थापित याना: क्यनेगु जुइ।’



नवीन जोशी

नाय: नेवा: टिभि एचडि

‘लहना साहित्य ज्याइवलं नेपालभाषा साहित्य ख्यलय् न्हूगु कथंया आयाम न्ह्याकूगु खनेदु। लहना साहित्य ज्याइव: नेवा: टिभिइ प्रसारण याय्खना: जि लगायत नेवा: टिभि एचडि पुच: लय्ता:। लहना साहित्य, लहना गतिविधि ज्याइव:लिसें लहनानाप सहकार्य याना: मेमेगु कार्यक्रमत नं दय्कावनेगु प्रतिवद्धता जिं प्वकाचवना।’



सुधीर खत्री

लहना साहित्य ज्याइव: न्ह्याकामि

‘लहना साहित्य ज्याइव: न्ह्याकागु इलय् यक्विसिनं ह:पा: नं बिल सा गुलिसिनं हतोत्साहि नं याय्त मस्व:गु मखु, तर सरकार आत्मक जक मखु, भीसं नकारात्मक खँयात नं नापनापं यंके फय्केमा:। नकारात्मक खँ न्येनेवं निराशा जुइमज्यू। सकारात्मक खँयात ह:पा:या रुपय् कया: नकारात्मक खँयात सुभावया रुपय् ग्रहण याना: न्ह्या:वँ लहना साहित्यं नीन्याब्वया यात्रा पूर्वकूगु ख:।’



बिराजकाजी राजोपाध्याय

राष्ट्रिय प्रसारणय् न्हापाम्ह टेलिभिजन ज्याइव: न्ह्याकामि

‘लहना वा:पौलिसें पिलूव:गु लहना मिडिया पुचलं पत्रिकाया ख्यलय् बिस्कं पहिचान स्थापित यात। छगु न्हूगु ट्रेन्डया शुरुवात यात। अनलाईन ख्यलय् नं लहनान्यूज डट कमयात निरन्तर न्ह्याका: थ:त स्थापित याय्त सफल जुइधुकल। लहना न्ह्याकूगु पला: धिसिला:, लहना मदिक्क न्ह्या:वनीगु पुच: ख:, गनं दीमखु धइगु सोच आ: लहना संचारया दक्कले सशक्त माध्यम कथं कयात:गु टेलिभिजनय् नं स्थापित याय्मा:।’



सुनिल महर्जन

महासचिव नेवा: पत्रकार राष्ट्रिय दबू

‘लहना पत्रकारिता ख्यलय्, संचार ख्यलय् न्हूगु सोचया विकास यानाव:गु दु। थुकिया इवलय् लहना साहित्य नं न्हूगु परिकल्पना ज्वना: व:गु खनेदु। न्हपा साहित्यया माध्यमं नेवा:तय्सं भाषिक अधिकारया आन्दोलन न्ह्याकूगु खनेदुसा आ: साहित्यकारपिन्सं नेवा:तय्गु राजनीतिक अधिकार प्राप्तिया आन्दोलनय् नं योगदान बियावनेमा:गु खनेदु।’



अनूप प्रधान

क्यामेरापर्सन

‘नेवा: टेलिभिजन अले लहना मिडियालिसे आवद्ध जुया: थ:गु ख्य:पाखे मांभाय् नेपालभाषाया लागिं छुं याय्खन, व जिगु नितिं गौरवया विषय जूगु दु। लहना गतिविधि यानावयागुलिइ लिपा वना: लहना साहित्य ज्याइव: नं व:बलय् साहित्य च्वय् मस:सां क्यामेराया माध्यमं नं साहित्य ख्य:या नितिं छुं योगदान बी खंगुलिं लय्ता:।’



डा. गौरीशंकर लाल दास 'हेमबहादुर मल्ल सम्मान २०७५' पाखें सम्मानित जुयादीगु दु। वंगु फाल्गुन १३ गते बिहिवाःया दिनस राष्ट्रपति भवन, शितल निवासय् जूगु विशेष ज्याइवलय् डा. दासयात उगु सम्मान लःल्हाःगु खः। शिक्षा, स्वास्थ्य व समाजसेवाय् विशिष्ट योगदान यानादीगु धासैं डा. दासयात २ लख तकालिसैया सम्मान लःल्हाःगु खः। ज्याइवलय् डा. दासयात राष्ट्रपति विद्यादेवी भण्डारी हनापौ लःल्हानादिलसा साल्ट ट्रेडिङ कर्पोरेशन लिमिटेडया नायः लक्ष्मीदास मानन्धर राशी सम्मान २ लख तका लःल्हानादिल।

साल्ट ट्रेडिङ करीब २५ दैतकक महाप्रबन्धक जुयाः ज्या यानादीम्ह म्दुम्ह हेमबहादुर मल्लया नामयं नीस्वनातःगु

थुगु सम्मान नेपाल जपप्रशासन संघया पहलय् बियावःगु खःसा सम्मानया राशी साल्ट ट्रेडिङपाखें ग्वाहालि जुयावःगु खः। साल्ट ट्रेडिङया नायः लक्ष्मीदास मानन्धर मल्ल मदयधुंकाः वि.सं. २०५९ सालनिसें निरन्तर थुगु सम्मान बियावयागु जानकारी बियादिल।

साल्ट ट्रेडिङया प्रमुख प्रशासकिय अधिकृत उर्मिला श्रेष्ठ साल्ट ट्रेडिङयात छगू म्हसीका बीगुलिसे संस्थाय् ट्यूपाः हयेत हेमबहादुर मल्लं थीथी जिम्मेवारीइ च्वनाः संस्थायात योगदान ब्यूगु धयादिल। इमान्दार, कर्तव्यनिष्ठ, शिष्ट, नरम स्वभावया धनी मल्लयात 'रोलमोडल' प्रशासक, व्यवस्थापकया रूपय् कायेमाःगु प्रमुख प्रशासकिय अधिकृत श्रेष्ठया धापू खः।



नेवा: स्टाऱतय् दुयादु



विजयरत्न असंबरे

दुयादुयाबारे चर्चा यायबलय् थ्वयात पश्चिम संस्कृति कथं काइपिं यक्व दु। वास्तव्य थ्व सत्य मखु। नेवा:तय्सं नं यक्व हे न्ह्यःनिसें दुयादुयात नाला वयाच्चंगु दु। दुयादुयात नेवा: तजिलजि कथं व्याख्या याय् बलय् “ला: च्वयुगु” धाइ। नेवा: फिल्म ख्यःया तसकं लोकहवा:म्ह हिरोइन आशिष्मा नकःमियाके थुकियाबारे न्ह्यसः छुनाबलय् वय्कः मय्जुं नं दुयादुयात नेवा:तसें न्हापानिसें ला: च्वयुगु धका: नाला वयाच्चंगु खँया चर्चा यानादिलसा मेम्ह छम्ह नेवा: स्टाऱ रोजिना सुवाल ख्वप भासं थुकियात “लाड च्वयुगु” धाइगु कनादिल। मेम्ह छम्ह हिरोइन रजनी खडगीं नं थ्वहे खँयात लिसा कयादिल।

भी अजाअजिपिन्सं थःगु ल्हा: वा तुतिइ थथे ला: च्वयातःगु भीसं खकेफइ। गुम्हेसिन घःया नां कियातःगु दइसा गुम्हेसिन सुर्छी, तिमिला वा मेमेपिं घः नं कियातःगु भीसं खना वयाच्चनागु दु। थथे भीसं न्हापानिसें खना वयाच्चनागु ला: च्वयुगु परम्परा हे वास्तव्य थौया युगया लोकहवानाच्चंगु फेशन कथंया दुयादु खः। संसार्य न्यकंभनया सेलिब्रिटीतय्सं थःगु म्हाया थौथी ब्वय् थुकथं दुयादु कियातःगु भीसं खकेफइसा नेपाल्य आपालं सेलिब्रिटीतय्सं नं थथे दुयादु कियातःगु नं खना वयाच्चनागु दु। थन विशेष याना: थःगु म्हाय् दुयादु कियातःपिं छुं छुं नेवा: फिल्मकःमिपिके दुयादुयात कया: छुनागु न्ह्यसःया लिसःया आधार्य दुयादुयात कया चर्चा यायुगु कुतः याय्।

आशिष्मा नकःमि

“ला: च्वयुगु” धयागु भीगु नेवा: परम्परा हे खः। थौकन्ह्य वया: थुकियात दुयादु धायुगु यानाहल। जिं न्यनातया कथं भी म्वातल्ले भी नाप दइगु भीगु शरीर हे खःसा भी मद्यधुंका भीगु शरीर नं दइमखु। थथे भीगु शरीर मदया वसां भीसं भीगु म्हाय् च्वयातयागु दुयादु दयाच्चनी धइगु भीगु मान्यता दु। भी मद्यधुंका: भीसं स्वर्गलोक्य वनेबलय् थःगु म्हाय् च्वयातःगु “ला: क्पिपा”

यानिकी दुयादु मिया: नय्दइ धका: जिं न्यनातयागु दु। आ: वया थ्व फेशन अप्वःयावःगु खः, अले लाथेपाथे दु यादु च्वकीपिं नं अप्वयावःगु दु तर जिं स्वयंबलय् थथे च्वकीगु दुयादुया छगू अर्थ दइकथं जुइमा:।

जिं सन् २०१० पाखे दकले न्हापां थःगु म्हाय् ला: च्वकागु खःसा दकले न्हापां जिं ओम मणि पेमे हुं दुगु पलेस्वाया ला: च्वकागु खः। थ्व छगू पवित्र बौद्ध मन्त्र खः। लिपा सन् २०१८ पाखे जिगु म्हाया जवपाखे “भवतु सब्ब मंगल” धका: ला: च्वकागु खः। थ्व नं छगू पवित्र बुद्ध वचन हे खः। जित मचाबलयुनिसें बुद्ध धर्मप्रति आस्था दुगुलिं जिं थथे बौद्ध मन्त्रया ला: च्वकागु खः। मेपिनिगु दुयादुया चर्चा यायुगु खःसा बुद्धकालिन बाखनय् दयकाच्चंगु “कर्म” फिल्मया शुटिंगया इलय् थ्व फिल्मया हिरो कर्मा शाक्यया म्हाय् खनागु बज्रया दुयादु नं जितः यः ताल। छाया:सां बज्रया नं बौद्ध धर्मलिसे हे स्वापू दु।

भिन्तुना जोशी

दुयादु धइगु सुयागु म्हाय् च्वइगु छगू कथंया क्पिपा खः। थौकन्ह्य थ्व फेशनया रुप नं जुया वयाच्चंगु दु। जिं जिगु जन्हुफा:या च्वय् गःपःया ल्यूने गणेद्यःया क्पिपा च्वकातयागु दु। मेपिनि च्वयातःगु क्पिपाय् जितः जिम्ह छम्ह पासाया जन्हुफातय् कियातःगु कालभैरवया दुयादु साप हे यः ताल। जिम्ह व पासाया नां निमेष खः।

रोजिना सुवाल

दुयादु धइगु छु खः धका: ला जितः धाय् मवः तर थ्व न्हापानिसें हे नेवा: समुदाय दुने चले जुया वयाच्चंगु परम्परा खः। ख्वप भासं थुकियात लाड च्वयुगु धाइगु जिं न्यनातयागु दु। तर जिं धा:सा आ:तक्क थथे लाड च्वकागु म्दुनि अले च्वकेगु मतिइ नं म्दु। बरु जितः दकले न्हापाम्ह मिस नेपालया म्हाय् च्वकातःगु छगू दु यादु धा:सा तसकं यः ताल।

इकृना बल्ल

दुयादु धयागु मनूतयुगु शरीर्य च्वइगु छगू कथंया क्पिपा खः। थ्व थायीरुपं नं च्वकेज्यू अले अस्थायी रुपं नं च्वकेज्यू। थथे च्वकीगु दुयादु तसकं हे बांला: जुइ तर जिं धा:सा आ:तक्क थथे दुयादु च्वकागु म्दुनि, च्वकेगु मन नं म्दु।

रजनी खडगी

न्हापा न्हापा अजाअजिपिन्सं कनातःकथं भी मनूत सीबलय् ज्वनावनेगु छुं म्दु, दक्क त्वःतावनेमा:। भीसं पुनातयागु वसः तक्क त्वःतावनेमा तर थःगु म्हाय् कियातःगु क्पिपा यानिकी दुयादु धा:सा मनू नापतुं वनी हं! जिं जिगु ल्हातिइ अंग्रेजी आखलं चबवलण धका च्वकातया:गु दु। जिं थ्व छगू फेशनया रुप्यं नं च्वकागु खःसा भीगु परम्परायात माने याना: भी सी धुंका थ्वः मिया: न्य



दइ धका: न्यनातया:गुलिं नं च्वकागु खः। मेपिनिगु दुयादु मध्ये जितः आशिष्मा तताया मण्डलाया दुयादु साप हे यः।

आराध्यलक्ष्मी खडगी

दुयादु थौकन्ह्य विदेशं वःगु फेशन धका धा:सां वास्तव्य नेवा: समाज्य न्हापानिसे दुगु लाय् च्वयुगु परम्परा खः। जिगु जव ल्हातिइ व खव तुतिइ दुयादु च्वकातयागु दु। जितः नं थथे चित्र च्वकेयःगुलिं दु यादु च्वकागु खःसा जित नेपा:या लोकहवा:म्ह हिरोइन प्रियंका कार्की थःगु म्हाय् च्वकातःगु छम्ह प्याखं हुलाच्चम्ह मिसाया दुयादु तसकं हे यः ताल। छाया:सा जि छम्ह हुलाप्याखिमि सा प्रियंका नं बांलाम्ह हे डान्सर खः। नृत्यपाखे नुगः क्वसापिन्सं थथे प्याखं हुलाच्चम्ह मिसाया क्पिपा च्वकूगु धइगु च्वछाय्बहःगु खँ खः।

निकी महर्जन

जिं जिगु ल्हातिइ जिमि किजाया नांया दुयादु च्वकातयागु दु। छाया:सां जितः जिम्ह किजा तसकं हे यः। उकिं वयागु नांया दुयादु च्वकातयागु खः। थथे वयागु नांया दुयादु च्वकातयागुलिं जितः जि न्ह्याथाय् वसां जिम्ह किजा जि नापं हे दुगु थें महसुस जुयाच्चनी।

शोभा महर्जन

दुयादु धयागु म्हाय् कीगु क्पिपा खः। थुकिया स्वापू लुमन्तिलिसे दयाच्चनी। छुं नं खँ सदांया निरितिं लुमकातय् हे थज्या:गु दुयादु च्वकी। हाकनं सीबलय् भीसं मेगु छुं यंके दइमखु, थ्वहे दुयादु जक यंकेदइ धका: पुलापिं मनूतय्सं धयातःगु दु। तर जिं धा:सा आ:तक्क थथे दुयादु मच्चकानि। च्वके धका: मति तयागु ला म्दु। अयसां च्व हे च्वकल धा:सा छुं कथंया लुमन्तिया चिं जुइ कथं हे च्वके। अले मेपिनिगु दुयादुयाबारे उलि दुयंक्क बिचा: यानागु म्दुनि।

लसता जोशी

जिगु शरीर धइगु जिगु म्हासिका खः। वहे ख्वालं जिगु म्हासिका न्ह्यब्वइ। उकिं जिं च्वकागु दुयादु नं जिगु म्हासिकाया चिं जुइमा: धका: मतिइ तया: च्वकागु खः। यदी छम्ह मनू थःप्रति इमान्दार जूसा वं च्वकीगु दु यादु उकीया लिल्लः जुया: पिदनी। उकिं वयागु बाखं कनाच्चनी। उकिं जिं जिगु जन्हुफातय् संगीतया सुरयात न्ह्यब्वयातयागु दु। अले खवगु ल्हातिइ अंग्रेजी आखलं दर्यामि ल दभगतर्षा धका: च्वकातयागु दु। थःगु ज्या व शोखयात न्ह्यब्वयातःगु दुयादु जक जितः यः।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।

आउटडोर भेज क्याटरिङ पनि गरिन्छ।

(क) व्यापारी त्यासा
(ख) हायरपचेज त्यासा
(ग) आवासीय त्यासा



(घ) शेरर त्यासा

(ङ) मुद्दती रसिद धितो त्यासा

(च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछैं, पाको, न्हूसतक, यैं, नेपा:

फोन ल्या: ४२३१०३६, ४२२२०६५, ४२१६१६७, फ्याक्स : ४२१६१६७

‘अपराध न्यूनीकरणया लागि युवामैत्री प्रहरी प्रशासन मा:’



राष्ट्रिय युवा महासंघ नेपाल यलया ग्वसालय यलय शान्ति सुरक्षा व अपराध मुक्त समाज निर्माणय ल्याय्महपिनिगु भूमिका विषयक अन्तरक्रिया ज्याइवः जूगु दु । ज्याइवलय यलया प्रमुख जिल्ला अधिकारी दुण्डीप्रसाद निरौला ल्याय्महयत रचनात्मक क्रियाकलापय सहभागी याके फःसा अपराधया दर कुहांवइगु विश्वास प्वकादिल । महानगरीय प्रहरी परिसर यलया प्रमुख प्रहरी

वरिष्ठ उपरीक्षक किरण बज्राचार्य, अनिको सांस्कृतिक तथा व्यावसायिक समाजया अध्यक्ष अजरमान जोशी, युवा महासंघ नेपालया सल्लाहकार नापः नेवाः पत्रकार राष्ट्रिय दबूया महासचिव सुनील महर्जन ल्याय्महपिनिगु ज्ञान, बिचाः व न्हयसः न्यनेगु स्वभावयात स्वीकार यायेमाःगु बिचाः तसें उमिके दुगु क्षमता व प्रतिभायात सामाजिक रुपान्तरणय हय्फयकेमाःगुलिइ

बः बियादिल । अथे हे, बौद्ध अध्ययेता अनिल शाक्य, महासंघया अध्यक्ष राजन महर्जन थौंकेन्हयया प्रशासन युवामैत्री मजगु बिचाः तयादीगु खः । ज्याइवलय महासंघया उपाध्यक्ष प्रणीता शाक्य, समाजसेवी हिसिना शाक्य, महासंघया सचिव सुरज खड्का, प्रहरी उपरीक्षक प्रज्वल महर्जन, प्रहरी नायब उपरीक्षक रमेश बोहोरारपिनिगु न उपस्थित दुगु खः ।

चिकित्सक लिसें पत्रकार सम्मानित



स्वास्थ्य सम्बन्धि टेलिभिजन टक शो स्वास्थ्य दर्पणया दैँ मुँज्या क्वचाःगु दु । ज्याइवलय स्वास्थ्य ख्यलय योगदान बियावःपिं चिकित्सक लिसें पत्रकारत सम्मानित जूगु खः । सम्मानित सकलसित नेपाली कांग्रेस नेता प्रकाशमान सिंह सम्मान लःल्हानादिल । ज्याइवलय न्हयगुलिं प्रदेशय स्वास्थ्य उपचारय खटे जुयाच्चीपिं चिकित्सपिं लिसें थःथःगु ख्यलय विशिष्ट योगदान बियावःगु धासैं विशेषज्ञ चिकित्सकपिन्त सम्मान याःगु खः । अथे हे, कोभिड-१९ व्यवस्थापनय उल्लेखनीय योगदान ब्यूगुलिं

लुम्बिनी प्रदेश बाँके जिल्लया खजुरा गाउँपालिका व वाग्मती प्रदेश चितवन जिल्ला इच्छाकामना गाउँपालिकायात संस्थागत सम्मान याःगु खः । अथेहे, स्वास्थ्य पत्रकारिताया ख्यलय उल्लेखनीय योगदान ब्यूगु धासैं ७ म्ह पत्रकारत न सम्मानित जूगु खः । सभाय ‘स्वास्थ्य दर्पण विशेष-४’ न विमोचन याःगु खः । स्वास्थ्य दर्पण मिडिया नेटवर्क प्रालिया अध्यक्ष सन्दीपकुमार श्रेष्ठ थःपिन्त भापानिसें कर्णाली तक ७ सःम्ह चिकित्सा ख्यःया व्यक्तित्वपिन्त सम्मान याय्धुनागु जानकारी बियादिल ।

पत्रकारिता तालिमय सहभागीपिंत दसिपौ



किपू नगरपालिकाया ग्वाहालिइ सन्ध्या टाइम्स पिथना प्रा.लि.या ग्वसालय जूगु न्हयन्हयकंया आधारभूत पत्रकारिता तालिम क्वचाःगु दु । किपुलिइ जूगु छगू ज्याइवलय कीर्तिपुर नगरपालिकाया मेयर रमेश महर्जन, उपमेयर सरस्वती रिजाल खड्का, किपूपाखें पिथनाच्चीगु नगर सन्देश वाःपौया उपसम्पादक ज्ञानकुमार महर्जन, मू प्रशिक्षक सुरेश किरण मानन्धरलिसें तालिमया सहभागीपिन्त नियमित रुप च्वयगु यानाः पत्रकारितायात हे लजगाःया रुप न्हयःने यकेत सुभाब बियादिल ।

उत्साहजनक...

जनस्तरं जूगु कुतल थुगुलिचः पिहांवःगु दु । आः स्थानीय सरकार थुकी च्यूताः तःबलय भीगु दथुइ तःधंगु आशा ब्वलंगु दु । यें महानगरपालिका स्थानीय विषय अन्तर्गत नेपालभाषा विषयया ब्वकेज्या न्ह्याकीगु हे जुल । ख्वप नगरपालिकाय न थुकिया तयारी तच्चाच्चीगु दु । यल महानगरपालिका न याकन हे स्थानीय विषयया ज्यायात न्हयःने यकेमाःगु खनेदु । आःया शुरुवाती अवस्थाय स्वनिगःया स्वंगू स्थानीय सरकारपाखें थः मातहतया स्कूलय स्थानीय विषय अन्तर्गत नेपालभाषा विषयया पठनपाठन न्ह्याकल धाःसा न थुकि बांलाःगु लिचः लाकीगु व मेमेगु स्थानीय तहयात प्रभावित याइगु निश्चित दु ।

यें महानगरपालिकाय नेपालभाषा शिक्षण तालिम शुरु

यें महानगरपालिका थुगुसीनिसें न्ह्याकेत्यंगु स्थानीय पाठ्यक्रम पठनपाठनया लागि नेपालभाषा प्रशिक्षण सहायक प्रशिक्षक तालिम’ यें महानगरपालिका वडा २२ स्थित नेपाल आदर्श माविइ न्ह्याःगु दु । यें महानगर प्रमुख विद्यासुन्दर शाक्य स्वन्हयकंया तालिमया उलेज्या यानादिल । कामपा शिक्षा विभागया ग्वसाः व नेवाः स्यनामि दबू नेपालमण्डलया संयोजनय जुइत्यंगु तालिम उलेज्या ज्याइवलय महानगर प्रमुख शाक्य येंया सम्पदा संरक्षण याय्गु निति स्थानीय भाषा नेपालभाषा हे स्थानीय पाठ्यक्रम ब्वकेज्या न्ह्याकेत्यनागु धयादिल । कामपा

२२ वडाया वडा अध्यक्ष चिनीकाजी महर्जन स्थानीय विषय अन्तर्गत नेपालभाषा माध्यम ब्वकेगु महानगरया निर्णय भाषा आन्दोलनया अभियानय दशकौं न्हयःनिसें दनाच्चीगु मागया सम्बोधन जूगु बिचाः तयादिल । ज्याइवलय कामपा शिक्षा विभागका प्रमुख रामबाबु सुवेदी, नेवाः स्यनामि दबूया पदाधिकारीपिं कृष्णभक्त श्रेष्ठ व वरुणप्रसाद वैद्य न थःथःगु बिचाः तयादीगु खः । यें महानगरपालिका स्थानीय पाठ्यक्रम यें देय् म्हसीके पठनपाठन न्ह्याकेत १७२ प्रशिक्षण सहायक भर्ना याय्त्यंगु दु । उकी ल्ययाः वइपिं प्रशिक्षण सहायकतयत थ्व हे तालिमया सहभागी प्रशिक्षकपिन्त शिक्षण प्रशिक्षण बी ।

नेवाः...

ल्हाय् दइमखु धकाः पंगु अले नेवाः भाय् ल्हाःपिन्त ज्वनाः कुनाबीगु याःबलय पंचायती जक मखुत, राणा शासन वःगु खःला धकाः न्हयसः तय्माःगु अवस्था खनेदत ।

खैं वंगु बुधबाः फागुन १२ या खः । बालाजुइ सडक विस्तारया इवलय जस्ता खुनाः ज्या न्ह्याकेत्यंगु अवस्थाय स्थानीय मनुत उकिया विरोधय दनावल व जस्ता थनाः दय्कातःगु संरचना दक्क स्वकाबिल । थ्व हे घटनायात कयाः प्रहरी महेश्वर मानन्धर, मीन शाही, रक्षित श्रेष्ठ, संजय तामाङ, दिपेन श्रेष्ठ व भिम देव श्रेष्ठयात ज्वनायकल । ज्वनातःपिन्त नापलायत जनता समाजवादी पार्टीया यें जिल्ला नायः श्यामकृष्ण प्रजापति

अन थ्यन । कुनातःपिन्त वयकल नेवाः भासं खैं ल्हाःबलय छम्ह प्रहरी हवलदार वयाः नेवारीमा कुरा नगर धकाः आदेश ब्यूवल । जसपा यें जिल्ला नायः प्रजापति वंगु शनिबाः फेसबुकय स्टेटस अपडेट यासैं थुगु जानकारी च्वयादीगु खः । थःगु हे थासय थःपिन्त मांभाय नवाकेमब्यूवलय आक्रोशित जूपिं नेवाःतय्गु पुचः व प्रहरी दथुइ छम्हाः हाकन वादविवाद जुल । उगु हे वादविवादया इवलय उपत्यकाव्यापी सडक विस्तार पिडित संघर्ष समितिनायः सुमन साय्मियात ज्वनाः कुनाबिल । अन घटनाक्रमया फोटो कयाच्चम्ह छम्ह मिसा पत्रकारयात न थहाँ फोटो लिने होइन धकाः प्रहरी पबलय विरोध याःम्ह विरोचन श्रेष्ठयात न ज्वनाः कुनाबिल ।

थनथाय् संविधान हे ब्यूगु मांभाय नवाय्गु अधिकार हनन अले जूगु खनेदत । आः स्थानीय जनता थःगु मांभाय तक न ल्हाय् मदइगु जूसा राष्ट्रिय गान हालेबलय बहुल जाती भाषा धर्म संस्कृति छ विशाल धकाः धायगुया औचित्य दनिला धइगु न्हयसः न दंगु दु । थनथाय् पंचायतकालय पदमरतनयात थः मालिसे नेवाः भासं खैं ल्हाकेमब्यूगु घटना न लुमकाबिल सा राणा कालय नेवाः भासं च्वःगु हे खैं नेवाःतय्गु ज्वनाः कुनाब्यूगु न लुमकेत वाध्य यानाबिल । उकिया नाप समाचार सम्प्रेषणया निति फोटो काल धकाः पनेगु व उकिया विरोध यात धकाः कुनाबीगु ज्यां भाषिक अले अभिव्यक्ति स्वतन्त्रता, सूचनाया हकय न्हयसः दंगु दु ।

वाङ्मय शताब्दी पुरुष सत्यमोहन जोशीया डकुमेण्ट्रीया न्हापांगु क्यनेज्या



वाङ्मय शताब्दी पुरुष डा. सत्यमोहन जोशीया १५ धौ ताःहाकःगु अन्तर्वातालिसेया भिज्युअल अर्काइभ व वृत्तचित्र ‘म्वानाच्चीगु इतिहास वाङ्मय शताब्दी पुरुष डा. सत्यमोहन जोशी’ या निर्माण क्वचायाः यलय न्हापांगु क्यनेज्या जूगु दु । सच्चिद दैँ पुलेधुंकूम्ह शताब्दी पुरुष जोशी थःगु हे बारे दयेकातगु वृत्तचित्र स्वयं धुंकाः थुकियात छम्ह मनुया जक मखसैं मुक्कं नेवाः भाषा, संस्कृति व नेपालया हे चित्रया रुप काय्त् इनाप यानादिल । यल

महानगरपालिकाया प्रमुख महर्जन जोशीया सच्चिद दैँया बुदिं हनेगु इवलय जूगु थीथी गतिविधिमध्ये थुगु वृत्तचित्र ऐतिहासिक ज्या जूगु बिचाः तयादिल । ज्याइवलय वृत्तचित्र दय्केत आर्थिक ग्वाहालि याःपिं दातापिं लक्ष्मीदास मानन्धर, मोतिलाल शिल्पकार, यज्ञरत्न धाखाः, कैलाशभक्त प्रधानाङ्ग, डा. सुमित्रा मानन्धर, नेवाः देय दबू व नेपालभाषा एकेडेमीयात कृतज्ञतालिसे सम्मान याःगु खः ।

भीमबहादुरया म्ये व सफू पिदन



संगीतकःमि लिसें भजन स्रष्टा भीमबहादुर नकःमि च्वयाच्चीगु सफू लिसें वय्कःया म्येया भिडियो सार्वजनिक जूगु दु । यलय जूगु छगू ज्याइवलय संगीतकःमि नकःमिया सफू ‘जिं लुमथे जिगु खैं’ लिसें नकःमि अले वय्कःया काय् रेडिया नेपाल संगीत शाखाया प्रमुख मनराजा नकःमिया म्ये सार्वजनिक जूगु खः । ज्याइवलय जनकवि दुर्गालाल श्रेष्ठ व जनकलाकार भूगुराम श्रेष्ठ म्ये भिडियो सार्वजनिक यानादिल ।

ज्याइवलय जन संगीत श्रष्टा अमरराज शर्मा, वरिष्ठ गायक जुजुकाजी रजित, वरिष्ठ संगीतज्ञ धनबहादुर गोपाली संगीतकार नकःमिया बहुप्रतिभाशाली व्यक्तित्वया बारे चर्चा यानादिल । जनकवि दुर्गालाल श्रेष्ठ अग्रज रचनाकारपिनिगु सम्मानया लागि न्हुपि रचनाकार रचनाय साधना यायेमाःगुलि बः बियादिल । विमोचित सफूया बारे सफूया सम्पादक कृष्ण प्रजापति म्ये भिडियोया बारे कलाकार लिसें निर्देशक रामकृष्ण खड्गी नवानादीगु खः ।

‘जुल रे जुल’ म्यूजिक भिडियो सार्वजनिक



गायक वीरेन्द्र महर्जन व गायिका सुमित्रा महर्जन हाःगु म्ये ‘जुल रे जुल’ या म्यूजिक भिडियो सार्वजनिक जूगु दु । यलय जूगु छगू ज्याइवलय वरिष्ठ संगीतज्ञ धनबहादुर गोपाली म्ये भिडियोया लोकार्पण यानादिल । ज्याइवलय नवासैं म्ये भिडियोया निर्देशक रामकृष्ण खड्गी विना छुं आर्थिक लाभ मातृभाषाया सेवाय

न्हयज्यानाच्चीपिं कलाकारपिन्त दर्शक व श्रोतां प्रोत्साहित याय्माःगु खैं बः बियादिल । ज्याइवलय गायक गायिका महर्जनद्वय, चर्चामि चण्डेश्वर महर्जन, संगीतकार सुरेन्द्र श्रेष्ठ, छायाङ्कार रक्की महर्जन, दृश्य सम्पादक बालकृष्ण वंशी, कलाकार रुपेन्द्र श्रेष्ठ, रजनी खड्गी लिसें न थःथःगु अनुभव न्यकादीगु खः ।

